



Michael

Canonica Francisci Felix sagittae Driatyn  
anae ad immortalitatis metam imp  
tus.

PANEG. et VITAE  
Polon. Fol.  
N<sup>o</sup> 241.







F E L I X  
Sagittæ Działyńscyanaæ,

A D

Immortalitatis metam,

I M P E T V S.

Ad Iusta Funebria,

*Illustrissimi olim, & Excellentissimi Domini,*

171997

D. MICHAELIS

à D Z I A Ł Y N

D Z I A Ł Y N S K I,

Palatini Culmensis, Coualouiensis &c. &c. &c.

C A P I T A N E I.

D U M

Magni Spiritûs eius exuuiaæ,

Vltimo pietatis Christianæ obsequio,

tumularentur;

<sup>A</sup>  
FRANCISCO CANTELLI,

*Philosophiæ & Eloquentiæ in Vniuersitate Cracouiensi, Auctore,*

dolenti calamo & obsequio

DEMONSTRATVS.

Anno Domini 1687. Die 10. Iunij.

C R A C O V I Æ,

Ex Officina Francisci Cezary, S. R. M. Illustriss. ac Rndiss. Dñi. Episcopi Crac: Ducis Seueriæ, Necnon Schol. Nouoduorfc. Typogr.

J. XIX 42.

30.



I N  
GENTILITIVM INSIGNE,  
ILLVSRISSIMÆ DOMVS,  
DZIAŁYNSCYANÆ.



DZIAŁYNIAM rapidè, sursùm volitare SAGITTAM,  
Non mirare ; etenim ; serpere nescit humi.  
Ocyùs, astriferas è terra tendit in oras,  
Nam viles metas, nauscat illa soli.  
Hinc frustra Stygias mittis Libitina SAGITTAS;  
DZIAŁYNI laculo, spicula nulla nocent.



*Illustrissimis & Magnificis Dominis,*

D. STANISLAO  
DZIAŁYNSKI,

Kiszauienti &c.

D. CAROLO  
DZIAŁYNSKI,

Lancorcensi &c.

CAPITANEIS,

Palatinis. Culmenfibus,

Patronis Dignissimis.



*Ingentem doloris magnitudinem, Mæstissima pectora  
Vestra aggrauantem, nemini quidem iustus lachrymarum,  
lymphis exequare, aut lenire aliquo temperamento, conces-  
sum est: tamen Illustrissimo Parenti Vestro, Vos parentan-  
tes aspicere Vultu non rorido; Vix humanum esse censui. Illustrissimi  
& Magnifici Domini. Quidni luctari debeant heroica pectora Vestra  
cum atrocissimo dolore? cum vnicum solatiorum Vestrorum incremen-  
tum, animorum delictum, vite honorumq; norma, augustorum operum  
idea, dulcissimus Genitor, cordibus Vestris ereptus sit. Intensus certè ani-  
mi Vestri mæror; quia fortis ut mors filialis dilectio Vestra, cum Illustris-  
simum suum Parentem à se diuisum experiatur, etiam corde non scindi,  
prodigium existimaret. Optimi aureiq; Patris, verè optimi & aurei Filij;  
nouo Boleslai exemplo, iam non imaginem Genitoris, sed ipsum in pectore  
vium gestare desiderio flagrabatis. Sed & nunc præter Votorum Vestro-  
rum placitum, cum vite stamina, nulli parcentes Parca illi præcidissent;  
& Vos cum Artemisia in vobismet ipsis Mausoleum, dulcissimo vite Au-  
ctori, certè meliori adhuc ingeniosi amoris Vestri inuento extrueretis. Non  
mitigat etiam, sed accumulât luctûs materiem, orbata suo Marte &  
Conso*



*Conso Polona Respublica: pro qua fulcienda, infracta fortitudinis Hercules, cessauit Gentilitias Manus extendere: cessauit ei insultantes hostium cateruas profligare: cessauit plus quam Catonis grauissima Oracula fundere. Profectò maximum doloris pondus: nasci enim Herdàs, rara seculorum felicitas est; quidni eripi eos doloris excessu constet? Ac potissimum hoc tempore, quo nos tot malorum balistis fata perurgent; tot erumnarum farragines circumstant; ut vix Sisyphæ huic malorum molli, tot Atlantes sufficiant. Lethale tot amantium cordibus inflixit vulnus Libitina; cùm Corculum Sapientie, istu suo prostrauit. Ferales deuinctorum mentibus, iniecit compedes; cùm furore suo, tantum Mecænatem eripuit. Utinam nobis adhuc Pylio prolixior æuo, faustiores soles numerasset: utinam è votis eius, compos votorum suorum Patria extitisset: utinam grandis Aquila Pullos suos Nobilissimos, ad similes honorum & facinorum volatus, excitasset; & diutius exercuisset. Sed inuidia factorum sors, summis negauit stare diu. Non fatiget tamen adeò vehementer acerrimus dolor, filialia Vestra pectora; Illustrissimi & Magnifici Domini. Restat tanti mæroris leuamen, quod atroci Proserpine non cessit in spoliū: Illustrissimi olim & Magnifici Domini, heroica virtus. Cuius simulacrum; tot viuis operum angustorum lineamentis; quot tropheis, Gentilitia Sagitta insculpsit & exarauit. Intaminata illa, inter mortis squallores rutilat: clariores radios spargit, etiam intra mortalis Sarcophagi caliginem. Viuit adhuc, Illustrissimus & Excellentissimus Dominus, quem Gentilitie Manus, per magna facinora, viuum Emphyreo intulerunt: imò in Vobis Illustrissimi & Magnifici Domini æternis temporum interuallis viuet. In Vobis magnitudo illa, & tanti Herois ac Palatini, animi quedam summa gratia reuiuifcet. Hoc igitur lenimen mestissimi pectoris, ab eo, qui Illustrissimi & Excellentissimi Domini Parentis Vestri, & Vestris, unà cum Parente suo, beneficijs & gratijs obstrictus, etiam luget, accipite. Implete pro eo Orbis Sarmatici, desideria, gemini Tyndaridæ; mille solatijs, pro hoc dolore. Vos boni Superi Illustrissimo Parente orphanos, bonis omnibus cumulent atque impleant. Quod ego intimo pectore Voueo.*

*Illustrissimarum & Magnificarum Dominationum  
Vestrarum*

*Cliens deuinctissimus*

**FRANCISCVS CANTELLI,**  
Philosophiæ & Eloquentiæ in Vniuersitate Cra-  
couiensi Auditor.



F E L I X  
SAGITTÆ DZIAŁYNSCYANÆ  
I M P E T V S.

D Ate lachrymas, tristes Melpomene & Niobe!  
Heraclitum nunc agere oportet.

*Infauſta mortalium fauſtitaſ,  
nouos dolores ac ſingultus excitat.*

Quæ crudelis ;

cùm maximè ſecuros ſuos Polocrates facit, maximè timenda eſt.

In vita,

Vnus felicitatis pugillus, tot laborũ emptus medimnis;  
in ipſa ſui grata poſſeſſione, eripitur.

Honor ipſe, Virtutis præmium, horror eſt.

Hinc illi,

*qui ſtrumam Dibapho contegunt,  
miſerè ſplendent :*

*quia altiùs elati lapſu grauiore ruunt.*

Nempe:

*magni ſunt ex alto caſus.*

*Satiùs autem itur per plana;*

*Lubrica in ſummo ſtatio eſt.*

Plurimis Tarpeium Saxum dignitas fuit;  
etiam cautus alliſus eſt ad haſ Cautes.

Heroicos animos, cùm nulla viſ Vincere & Vincire potuerit ;  
Vicit & Vinciuit aureis catenis honor.

In quo purpurata mancipia

in apicum

ærumnarum, & mortis telis confodienda extolluntur.

*Atque ſic,*

*cui mendax boni alicuius ſors,*

B

primùm



*primum applodit, mox supplodit, demum explodit.*

Heu quàm periculosa in vitta vita!  
In tot excubantium satellitum custodia,  
serius detenti honoris vincti:

*Multos timent, dum eos multi timent.*

Et quod rei cardo est,

*ipsa illi*

*Mors grauis incubat, qui notus nimis omnibus est.*  
Currules, Solia, Mitræ, Sceptra, Diademata,  
ferali taxo, ligonibusque atris à Proserpina æquantur.

*Species Priami digna Imperio,  
in ipsa Maiestate & Serenitate,  
Cimmerijs tenebris inuoluitur.*

Quæ sublimi feriunt sidera vertice;  
ea mors virulentis suis iaculis sæuius prostermit.

At

obsistit hisce nefandis iaculis, Numinis portio virtus.

Sola hæc,

Mortales efficit immortales.

Et Tu,

extra iacula mortis, licet defunctus, positus es;

Magne Achilles Sarmatice:

*Illustrissime olim & Excellentissime Domine,*

**D. MICHAEL DZIAŁYNSKI**  
Palatine Culmensis &c.

Gentilitiam Sagittam Tuam,  
aculeis communis Prædatrix Tyrannidi opposuisti:  
quia mortalis quidem, nihil mortale fecisti.

*Quod olim Herculi, idem Tibi subscribimus:*

*In cunis iam Ioue dignus.*

Pusio Giganteum animum gestasti.

Novit Sagitta Tua

Plus Ultra.

Suppleuit in puero, Virtus ætatem.

In qua,



In qua,

*Pietatis tam pulchram Anthithesim iunxit;  
ut virum in puero ferres, autumnū in vere faceres, Meridiē in ortu creares,  
seriem ipsam in exordio proponeres.*

Factorum, Honorumque cursum, præcurrit pietas.

Hinc;

Hastas Palladis benè noscens, Gentilitiæ Sagittæ quadrare:

Ephebus Phæbo dignus,

in Archiathenæo Cracouiensi, illi militasti:

moram in studijs non traxisti.

Quem iam pulchris Indoles instruxerat moribus:

Gloriosè cum pharetrato Apolline,

per Academi sylvas spatiatus;

ut Gentilitium Telum, ultra auitam virtutem ferret.

*In Regnum Liliorum transuolasti,*

*in quo*

*tot Patriæ, Familiæq; delicias,*

*Gentilitijs manibus, Lilia plenus carpsisti.*

Vt meritò;

de Gentilitijs armis Tuis, illud occinendum fuerit:

*Mauortia signa rubescunt*

*Floribus, & subitis animantur frondibus haste.*

Claud.

Iam verò,

ad exoticos Soles, genuinus Sarmaticæ Aquilæ pullus,

Sagittam suam,

ad suetam Illustrissimis Majoribus Metam fixit.

*Non soli iam Parthi, Getæq; Sagittis metuendi.*

*Non tam scitè Scythæ, mittunt iacula:*

Quam aptè;

Działyńsciorum Sagitta, tot in hostibus hæsit.

Ipse autem, nunquam meta fuit, nisi honorum:

quoddam etiam hostium extitit; certè non sine illorum ictu.

*Macædoni quondam prælianti,*

*Lucem obnubilent Sagittæ.*

Działyńsciorum Gentilitia una;

tantæ Virtutis fuit:

ut Lunæ Odrisiz, non semel lucem eripuerit.



Ab hac Sagitta;  
Sarmaticæ Campaniæ Prædo & Hannibal, Regni nostri fucus,  
Carolus Gustauus,  
primum fel in Prussia gustauit.

Adeò Illa,  
pro Deo, Regibus, & Legibus acuta;  
ut nulli hostium scopuli, ipsi imperuij extiterint.  
Prodiga, & verè animata Sagitta,  
quæ proprij peculi motu, toties per hostium viscera volauit.  
Nempè:

*Ipsa sibi virtus præmium est.*

Altiùs tamen,  
tot laureis victricibus, in Sago redimita, euolauit;  
dùm Senatoriæ Dignitatis Currules, attigisset.  
Numera 38 ex hac Domo Palatinos,  
Nicolaum de Koscielec, Palat. Inowłocłauienssem,  
Nicolaum, Palatinum Pomeraniæ,  
Ioannem, Palatinum Culmenssem,  
Gasparum, à Działyn, Działynski, Palat. & post Episcopū Culmenssem.

*Et*  
*inter Palatinorum, Castellanorum, Ensiferorum, Pocillatorum, Regni Centurias;*  
*Illustrissimum & Excellentissimum Dominum*

**D. MICHAELEM DZIAŁYNSKI**  
admirare.

Omnium Pandoram egit.  
Maiorum facta, proprijs adæquauit.  
Arcëpagus Lechiæ, Lublinum & Petricouia,  
Palatinatus Culmensis,  
Publici Conuentus & Comitia,  
*Suum Cineam, Tullium, Patriæ Parentem, Catonemq; Venerantur.*  
Quia nunquàm satis posteritati prædicandus est.  
Inscribit tamen, adamantino caractere,  
vel ipsa Metropolis Cracouia,  
suæ Gentilitiæ Portæ;  
sui Michaelis, peraugustum Nomen.  
*Quia firmiùs rati sunt, stare eam Cracij Incolæ:*  
*pro qua;*

*toties in Comitij Generalibus, ipse Michael decertauit.*

Vrbis



Vrbis huius, commodorum & immunitatum bases,  
aliquantisper, aliquorum labi factare voluerunt impetus:

*Stetit pro sua Troia, nouus Apollo.*

*Venit in adiutorium MICHAEL.*

Gentilitijs manibus fulciuit.

Imò, vt melius fulciret:

Totius Augusti Palatinatûs sui manus,

in vnum congeffit:

vt sic plures plura facerent, & fesso Atlanti, succederent Alcides.

*Vtinam in posterum, huic Augusto Palatinatûs cetui.*

*pares votis Lucina edat Palatinos.*

Vtinam vos, Diuinum Numen, Inclyti Palatinatûs huius Ordines,  
honoribus, felicitatibus, cumulos, æternæ seruet posteritati,

vtinam magna, & toti nota Orbi Vestra Opera,

Cælesti Zodiaco inferantur

Hoc medullitus effundit Votum,

Regiæ vrbis Filius.

Interim;

Basilicum MICHAELIS Nomen, capere intra angustias suas impotens silet.

Nempe:

*Ilias hæc augustæ eius Familiæ, prudentiæ, dignitatis, heroicorum operum,  
nucleo se non facile credit.*

*Præclara enim eius Facinora,*

Phosphorus, Mæotis, Volga, Tyras, Borysthenes, non ignorat.

*sed quid de illis dici potest?*

*quæ Cælites Ipsos*

Odrowazios, Prandoras, Vincentios, Kostulos,

Consanguineo nexu, attingunt.

*Quid opus encomijs?*

*Hostes ipsi celebrant, Dzialynsciorum illustre Nomen.*

Vnum Dzialynsciorum laculum,

toties Ioui Polono, contra mille Gigantes, pro fulmine fuit.

Nec modò Libitinæ impetu hebetatum crede.

*Ictus mortis non horruit, quod viuaci & immortalis famâ,*

*Orbem impleuit.*

Imo:

*Nulla prius Vasto labentur flumina Ponto,*

*Annus & inuersas, duxerit ante dies*

*quàm ad scopum immortalis gloriæ, desinet collimare.*

Nec in Illustrissimo & Excellentissimo MICHAEL E,

C

à præ-



à præcelso conatu sisti illud dicere fas esto.  
Sublimius enim tendere, cum spatium quodam modo deesset,  
æternitatis amplissimum scopum, sibi quæsiuit.

**Et quanquam:**

*Mortalium nemo errauit ad sepulchrum.*

*hoc in passu Parcæ frustratæ sunt.*

Nam nihil hîc Illustrissimi Palatini est, præter Heroicos Cineres;  
quos, nè totus Patriæ abesset, in solatium reliquit.

ubi enim Michæel mansisset, nisi in Cælo?

*Ab ipsa morte vitam inchodauit.*

*Non est illi maius solatium mortis, quàm ipsa mortalitas.*

*Vir enim bonus etiamsi moriatur, uiuit.*

*Et boni moriuntur, ut uiuant.*

Quòd si tamen Libitina Heroi nostro, quidquam nocuit,  
certè iniuriam sibi fecit.

Siquidem, Herculeâ eius fortitudine, plures ex hostibus cæsis,  
prædas habuisset.

Maiorem illum effecit prosternendo.

*Nam Magni Heroës sunt, velut prostratæ Turres, maiores apparent in casu,  
quàm dum stetere.*

Prodromâ igitur suâ Sagittâ;

capiat iam, incomparabilis Orbis Sarmatici Atlas, Regum delictum,  
Senatorum vnio, Atherèas Domos.

*Et quidni capiat Cælum?*

*Ad quod tenendum, semper extensæ sursum Gentilitiæ Manus,  
prominebant.*

Imò carus Cæli Sponsus;

Gentilitio Annulo, iam pridem sibi Diuos desponsauit.

Cui;

vulnerata, eius absentia ergò, omnium Ordinum

Pectora;

Æternum in Beatorum Patria scopum,

apprecantur.





Biblioteka Jagiellońska



stdr0015374



